



Broj:02-03/1-36-993/14

Dana, 16.10.2014.godine,

Na zahtjev načelnika Sektora za administraciju i potporu Nadžide Galešić, dana 14.10.2014.godine, ja, Nermina Kodro-Hubana, načelnik Odjela kadrovskih poslova, Dijana Pušić, stručni savjetnik za radne odnose i Sanja Čuljak, stručni savjetnik za radne odnose, obe u Odjelu kadrovskih poslova, sačinjavamo slijedeću:

### SLUŽBENU ZABILJEŠKU

Dana 14.10.2014.godine, utorak, oko 09,00 sati, u kancelariju br.93. načelnika Odjela kadrovskih poslova, došao je Direktor Ismet Leto i ponovo na temu uspostave radno-pravnog statusa komesara policije Ilije Lasića, te tražio da razmotrimo mogućnost donošenja rješenja o zasnivanju radnog odnosa, a po traženju Ministra Slađana Bevande.

Vezano za isto ja, Nermina Kodro-Hubana, ( a u prisustvu i mojih službenica Sanje Čuljak i Dijane Pušić) na prednje sam istakla da postoji nedostatak zakonskih odredbi koje regulišu radno-pravni status kada se za komesara policije imenuje osoba iz drugog kantona, kao i pomenutu zakonsku odredbu "Ukoliko je policijski komesar prije imenovanja radio u policijskom organu na koji se ovaj zakon ne primjenjuje, **njegov radni odnos uređuje se u skladu sa važećim zakonima**", kao i činjenica da je Iliji Lasić prestao radni odnos u MUP-u Zapadno-hercegovačkog kantona, te da bi radno-pravni status komesara policije mogli riješiti po principu ministra, da ga prijavimo kod nadležnog organa, te da istom nisu sporna prava koja mu pripadaju po važećem zakonu za vrijeme trajanja mandata, već je sporna izrada rješenja o prijemu u radni odnos jer ne postoji zakonska odredba koja ukazuje na isto, jer je isti imenovan na mandat od 4 (četiri) godine jer po Zakonu o policijskim službenicima HNK-a, ("Sl. Novine HNK-a", broj:9/07 i 9/12), jedini pristup policijskim snagama je:

(1) Policijski službenik pristupa policijskom organu:

1. U činu policajca-kao prvi nivo pristupanja za kandidate sa najmanje IV stepenom stručne spreme

2. U činu mlađeg inspektora- kao drugi nivo pristupanja za kandidate sa najmanje VI stepenom stručne spreme ili najmanje završenim prvim ciklusom visokog obrazovanja

(2) Zapošljavanje policijskih službenika u početne činove iz stava 1. ovog člana obavlja se putem javnog konkursa.

Članom 60. Zakona o policijskim službenicima, propisano je:

Zakonom kojim se utvrđuje organizacija, rukovođenje i nadležnost policijskog organa utvrđuje se postupak i nadležno tijelo koje će odabrati i imenovati policijskog komesara.

Članom 61. Zakona o policijskim službenicima, propisano je:

Mandat policijskog komesara je četiri godine, a može se obnoviti samo za drugi uzastopni mandat.

Članom 71. stav (3). Zakona o policijskim službenicima, propisano je:

Ukoliko je policijski komesar prije imenovanja radio u policijskom organu na koji se ovaj zakon ne primjenjuje, njegov radni odnos uređuje se u skladu sa važećim zakonima.

Zakonom o unutrašnjim poslovima HNK-a ("Sl.novine HNK-a" broj:2/98, 4/01, 3/02, 1/03,2/06, 5/08 i 6/08), propisano je: uslovi za imenovanje komesara, njegova nadležnost, izbor komesara, tijelo koja ga imenuje, procedura imenovanja i dr.

Članom 19a.stav 2., propisano je:

Mandat komesara policije traje 4 (četiri) godine s tim da može biti imenovan ponovo za naredni period od 4 godine.

Članom 19g., propisano je:

U roku od sedam dana Ministar će Vladi Hercegovačko-neretvanskog kantona predložiti kandidata za policijskog komesara kojeg preporuči Nezavisni odbor na imenovanje. U slučaju da se to ne realizira u datom roku, Nezavisni odbor će dostaviti preporučenog kandidata direktno Vladi.

U slučaju da se Vlada kantona ne složi sa predloženim kandidatom, ona mora dostaviti pismeno obrazloženje Ministru u kojem će navesti razloge odbijanja i zahtjevati od Nezavisnog odbora da ponovo razmotri svoj prijedlog.

Nezavisni odbor može objašnjenje Vlade kantona iz prethodnog stava pobiti i ponovo potvrditi svoj prijedlog ili predložiti drugog kandidata.

Odluka nezavisnog odbora iz prethodnog stava je obavezujuća i konačna.

Nakon toga, Direktor Ismet Leto je rekao da će isto prenijeti Ministru Sladanu Bevandi, jer se trebao vidjeti sa istim.

Neposredno nakon toga, pozvao me kod njega u kancelariju i rekao da je bio sa Ministrom i da je Ministar tražio da se rješenje uradi do 12, 00 sati istog dana, te da u 10,00 sati, ja sa svojim službenicama dođem na sastanak u njegovu kancelariju kojem će prisustvovati i sekretar Mladen Ćorić, sekretar Ministarstva unutrašnjih poslova na istu temu da pokušamo iznaći rješenje.

Na ovom sastanku ja i moje službenice opet smo istakli naprijed navedene zakonske propise, te predložili da se zatraži mišljenje o načinu uspostavljanja radno-pravnog statusa komesara policije od Ministarstva pravosuđa, uprave i lokalne samouprave HNK-a, Ureda predsjednika Vlade HNK-a, Ureda za zakonodavstvo Vlade HNK-a i Stručne službe Vlade HNK-a.

Sekretar Ministarstva je rekao da mi najbolje poznamo naše propise i da od istih nećemo dobiti nikakvo mišljenje te da će mo samo izgubiti vrijeme.

Po njegovom mišljenju postoji zakonska mogućnost prijema u radni odnos po Zakonu o unutrašnjim poslovima tako što bi se moglo uraditi rješenje na način da se imenovani prima na rad u MUP počev od 01.10.2014. godine, sa obrazloženjem teksta Odluke Nezavisnog odbora o imenovanju komesara policije. Na ovaj način praktično bi se prevazišao problem nedorečenosti zakona, a time bi se omogućio slobodan protok

policijskih službenika sa radnim iskustvom, kao što je ovdje slučaj. Ovo je u cilju potrebe efikasnijeg rada bilo kojeg policijskog organa. Zbog toga ne trebamo miješati zakonom propisani redovan način pristupa-ulaska u policijski organ civilnih lica u odnosu na prelazak na rad u drugo Ministarstvo lica koje je već policijski službenik.

Tajnik Ministarstva je bio mišljenja da se treba pripremiti traženo rješenje, a ostali prisutni da se prethodno zatraži mišljenje od naprijede navedenih organa, jer se rješenje o prijemu uvijek može i naknadno pripremiti.

Ja i prisutne službenice izričito smo istakle da rješenje o prijemu u radni odnos nije zakonito i da na isto nećemo staviti parafe.

Kako se nismo mogli dogovoriti, zatraženo je da se pripremi forma rješenja i dopis kojim tražimo mišljenje od navedenih organa, kako bi tajnik i direktor isto mogli prezentirati ministru, budući da je on po njihovim rječima "rezolutno" tražio pripremu rješenja do 12,00 sati isti dan – utorak.

Kako je bio kratak rok krenuli smo u moj ured da navedeno pripremimo. U međuvremenu bila sam pozvana u ured načelnika Sektora Nadžide Galešić, kod koje je bio i direktor Uprave. Razgovaralo se o ovom problemu, te sam ponovno istakla da je sporna izrada rješenja o prijemu i da ja i moje službenice nećemo staviti paraf na pripremljeno rješenje, već samo na dopis kojim tražimo mišljenje. Načelnik Sektora konstatovala je da je porebno zatražiti od ministra i komesara policije da dostave pismeni prijedlog za izradu rješenja o prijemu u radni odnos komesara policije. Na isto sam odgovorila da sam direktoru ranije to jutro prije sastanka rekla da je potrebno zatražiti ovo pismeno. Direktor Uprave je rekao da isto nije tražio od ministra jer je isti zatražio gotovo rješenje do 12,00 sati.

Rješenje i dopis su pripremljeni. Samo dopis smo parafirali, a kasnije su to učinili i načelnik Sektora i direktor Uprave, prosljeđujući rješenje bez ijednog parafa.

Do danas se nije ništa vratilo u ovaj Odjel.

Sačinjeno u šest primjeraka.

**Zabilješku sačinili:**

**Nermina Kodro-Hubana**

*Nermina Kodro Hubana*

**Dijana Pušić**

*Dijana Pušić*

**Sanja Čuljak**

*Sanja Čuljak*